



# CONCELLO DE BUEU

PONTEVEDRA

## ORDENANZA NON FISCAL Nº 1. REGULADORA DO PREZO PÚBLICO POLA ORGANIZACIÓN DE CURSOS, OBRADOIROS, PROGRAMAS E ACTIVIDADES DEPORTIVAS, SOCIAIS, FESTIVAS E CULTURAIS POLO CONCELLO DE BUEU.

### Artigo 1º.- Concepto.

De conformidade co previsto no artigo 127, en relación co artigo 41, ámbolos dous do Real Decreto Legislativo 2/2004, de 5 de marzo, que aproba o Texto Refundido da Lei reguladora das Facendas Locais, no exercicio da potestade regulamentaria recoñecida a este Concello, na súa calidade de Administración Pública de carácter territorial, e dentro das competencias recoñecidas ós Concellos, artigos 4 e 25 da Lei 7/1985, de 2 de abril, reguladora das Bases de réxime Local, establécese o prezo público pola organización de cursos, obradoiros, programas e actividades deportivas, sociais, festivas e culturais que se rexerán pola presente Ordenanza.

### Artigo 2º.- Obxeto.

Constituen o obxeto do prezo público que se está a regular a asistencia a cursos e obradoiros e a participación en actividades e programas (comprendendo entre outras excursións, visitas a centros ou institucións de interese cultural ou medioambiental, viaxes, comidas convivenciais ou actuacións musicais) que sexan aprobados como tales pola Xunta de Goberno Local e organizadas polo Concello de Bueu dentro do ámbito das súas competencias.

### Artigo 3º.- Obrigados ó pago.

Estarán obrigados ó pago do prezo público regulado na presente Ordenanza, os solicitantes do servizo, se són maiores de idade ou menores emancipados e, noutro caso, os pais ou representantes legais.

### Artigo 4º.- Contía.

A contía do prezo público deberá cubrir como mínimo o custo da actividade realizada. Cando existan razóns sociais, benéficas, culturais ou de interese público que así o aconsellen, a entidade poderá fixar prezos públicos por debaixo do límite previsto no apartado anterior. Nestos casos deberase consignar nos orzamentos do Concello as dotacións oportunas para a cobertura da diferenza resultante que houbera.

Conforme ó previsto no artigo 47 do Real Decreto Lexislativo 2/2004 e o artigo 23.2.b) da Lei 7/1985, delégase na Xunta de Goberno Local o establecemento individualizado e exacto e, no seu caso a periodicidade do devengo, do prezo público de cada un dos cursos, obradoiros, programas ou actividades que se pretenda realizar, á vista das propostas debidamente formuladas polos departamentos correspondentes que necesariamente deberán incluír o informe do responsable do departamento no que se faga constar o custo real do curso, obradoiro, programa ou actividade a realizar debidamente detallado e desglosado. No importe das tarifas entenderase incluído o IVE que, no seu caso, proceda aboar.

### Artigo 5º.- Xestión e cobro.

A obrigaón de pago do prezo público regulado nesta Ordenanza, nace desde que se realiza a solicitude ou inscrición nos cursos, obradoiros, actividades e programas.

Unicamente se considerará anulada unha inscrición ou matrícula, e polo tanto procederase á devolución do prezo público:

- Por anulación do curso, obradoiro, programa ou actividade por causa imputable á Administración.
- Cando o interesado notifique por escrito ó Concello a anulación da súa inscrición con anterioridade o remate do prazo establecido para a inscrición na correspondente actividade no acordo de aprobación da mesma.

O pago efectuarase da seguinte forma:





# CONCELLO DE BUEU

PONTEVEDRA

1. Como regra xeral, cando se trate de actividades de devengo único, o pago do prezo público efectuarase ó formular a solicitude ou inscrición nas entidades bancarias colaboradoras establecidas ó efecto. Xunto coa presentación da solicitude acreditarase ter aboado a autoliquidación comprensiva do importe total a pagar por inscrición.
2. Cando se trate de servizos de devengo periódico, unha vez aboada a autoliquidación correspondente á primeira cuota, confeccionaranse as correspondentes listas cobratorias pola área de xestión tributaria ou entidade coa que se concerte este servizo sobre a base do informe do responsable da actividade no que se fará constar:
  - Identificación da actividade que se trata.
  - Nome, apelidos e N.I.F. do participante ou, no caso de menores, do pai/nai ou representante legal obrigado ó pago.
  - Importe da cuota con copia do acordo da Xunta de Goberno Local que a estableza.
  - Relación das altas, baixas ou variacións que se produzan en cada período de devengo.
3. O cobro do prezo público de devengo periódico regulado nesta Ordenanza efectuarase mediante recibo extendido polo Concello dentro dos quince primeiros días de cada período, establecéndose como norma xeral a domiciliación bancaria.
4. As débedas por cuotas devengadas e non satisfeitas nos prazos establecidos recaudarase conforme os procedementos xerais do Regulamento Xeral de Recaudación e disposicións concordantes.
5. A Xunta de Goberno Local poderá acordar, a proposta do departamento responsable de cada actividade, a expulsión do usuario do servizo no caso de impago de dúas cuotas así como no suposto de reincidencia no impago das mesmas.

## DISPOSICIÓN FINAL.

A presente Ordenanza entrará en vigor e será de aplicación a partir do día seguinte a súa publicación íntegra no Bolentín Oficial da Provincia manténdose en vigor en tanto non sexa derogada ou modificada expresamente.

### APROBACION:

A presente Ordenanza que consta de CINCO ARTIGOS, foi aprobada polo Pleno da Corporación Municipal en sesión ordinaria o día 3 de Novembro de dous mil catro.

A SECRETARIA,

Asdo. M<sup>a</sup> Concepción Campos Acuña

Vº E. PR. A ALCALDESA

Asdo. M<sup>a</sup> Elena Estévez Freire

### DILIXENCIA:

Non téndose presentado reclamación algunha durante o prazo de exposición pública que rematou o 17 de Decembro de 2.004, queda definitivamente aprobada esta Ordenanza

Bueu, 21 de Decembro de 2.004

A SECRETARIA,

Asdo. María Concepción Campos Acuña

### DILIXENCIA:

O anuncio de aprobación definitiva desta Ordenanza publicouse no BOLETÍN OFICIAL DA PROVINCIA NUM. 248 de 28 de Decembro de 2.004.

Bueu, 30 de Decembro de 2.004

A SECRETARIA,

Asdo. M<sup>a</sup> Concepción Campos Acuña